

أعظم قصة صمود في التاريخ | #إيفينت_سفينة_نوح | د. حازم شومان

حازم شومان

يلا السلام عليكم. يا نهار اسود السلام عليكم. سبات صوتها عالي يا رجاله. حبایب قلبنا ربنا يحفظكم ويبارك فيكم يا رب. وينفع بكم يا رب اللهم امين. وبصراحة صح والله يا اخوانی سبحان الله! يعني فيه ناس بتحاول انها تجد المتعة في معصية الله سبحانه وتعالى.

الواحد اول ما دخل كده قلبه اخطف بمنزد التدب والنيل - 00:00:00

الخضرة اللي على الشط الثاني والصحبة الجميلة والجو الاجتماعي الجميل. ومع جو ايماني وصائمين وان شاء الله بازن الله نيتنا ان احنا اعبد ربنا لحد ما ننزل من هنا اهو يا اخواننا. يعني المتعة في الدين. يعني مش مضطرين فيه سفن كتير هتلaciها في النيل

دلوقي مع تخت شرقي او بند غربي - 00:00:30

عشان الناس تلاقي متعة ولكن ممكن بعيد عن ترتيب الدين او بعيد عن طاعة ربنا سبحانه وتعالى. احنا بفضل ومنة الله الجو اللي احنا فيه دلوقي والسعادة اللي احنا فيها دلوقي. والمتعة اللي احنا فيها دلوقي بفضل ومنة الله. ممكن ما فييش اي حد يقدر يجيبيها من اي سبيل ثاني. وكمان رحلة نيلية. يعني المركز - 00:00:50

ما تتحرك الوقت يا جماعة ولو حصل اي حاجة لو واحد هنا معه مراته هيفكري في نفسه ولا في مراته؟ انا معي مراتي خدوا بالكم لو واحد هنا ما احنا مش عارفين بقى احنا نتحرك في النيل بقى واحنا ونصيبنا ان شاء الله. ربنا يحفظكم ويبارك فيكم. يعني والله يا اخوانی واخواتي الكريمات واخوانی الكرام - 00:01:10

انا سعيد بهذا اللقاء جدا جدا. والله لو خيرت بين هذا اللقاء وهذا الايفينت وبين مليون دولار والله وان يعلم الله ان انا صادق. انا صائم. خدوا بالكم. لو خيرت ما بين هزا الايفينت وبين مليون دولار يا شيخ عمرو. لاخترت فورا بلا تردد - 00:01:30

انتم معنا بقى انتم قدام ولا ايه؟ احنا عائزين احنا عائزين بلا تردد هنختار ايه؟ يعني لو انت خيرت ما بين صيامك النهاردة وبين مليون جنيه هنختار ايه؟ ما بين ما بين ركعتين تراويح وما بين مليون جنيه هنختار ايه؟ هنختار طاعة ربنا سبحانه وتعالى احنا معنا جوايز يا جماعة - 00:01:50

يعني فيه مية جنيه كده للي ايه؟ للي ها نديها لمين بقى؟ هو المفروض فيه جوايز كتير يعني بس نبدأ بمية جنيه كده. مين اللي زار تلات زيارات لارحامه في رمضان ده لحد دلوقي زار تلاتة من ارحامه راح لهم البيت وزارهم. وقعد معهم. وجاب لهم هدية. ياخد مية جنيه - 00:02:10

الباب يا خلف خدت زرت ثلاثة من ارحامك وجبت لهم هدية هدايا اطفال لأن خد يا عم انت تستاهل والله. خد يا باشا. خد بالك من نفسك واواعي بص يعني انا عايزك تمسك اعصابك للآخر. ان شاء الله بازن الله. ربنا يبارك فيك وربنا - 00:02:30

اخوانی ما شاء الله لا قوة الا بالله. شف لك الحمد ان ربنا في الوقت ده ياذن لنا ان احنا كلنا نجتمع هنا عشان نذكر الله. ونتذكرة نعم ربنا علينا. والله يا اخوانی يبقى ربنا فاتح لكم باب رحمته. انت قاعد الوقت وانت صائم. ابواب الجنة مفتوحة عشانك. ودعائك مستجاب. وريحة - 00:02:50

خلوف الصائم اللي في فمه اطيب عند الله من ريحه الشهيد يوم القيمة. انت الوقت في اللحظة اللي احنا متقابلين فيها مع بعض دي انت في اعزم لحظة جدية في حياتك كلها صيام رمضان قيام رمضان يا اخواننا بتاع الابطال. رمضان بتاع الرجاله لأن رمضان

يبيصنع من الامة دي رجاله. انت في اقرب - 00:03:10

لحظة لك من الله سبحانه وتعالى. انت في اكتر لحظة تقدري تاخدي فيها قرار انك تقربي من ربنا سبحانه وتعالى قبل ما نبدأ يا شباب. قبل ما نبدأ الله مطلع - 00:03:30

على قلبك ومطلع على قلبك الوقتي. ومطلع على قلبي وانا بتكلم معكم. نجدد النية لأن الله يطلع على القلوب والنية محلها القلب. نجدد النية يا اخوانا قبل ما نبدأ انت قاعدة ليه ؟ انت قاعد ليه ؟ عايزيين نقرب منك يا رب. عايزيين نسترضيك يا رب. عايزيين نرضيك يا رب. عايزيينك تحبني - 00:03:40

يا رب عايزيين نحبك يا رب. عايزيين نعيش عشانك ونموت عشانك يا رب. جايدين يمكن نسمع كلمة تأثر في قلوبنا وتأخذنا بك يا رب جايدين لك يا رب احنا جايدين لربنا. مش جايدين لحد. احنا جايدين لله سبحانه وتعالى. جددوا النية يا شباب. جددوا النية مع بعض كده. وطبعا كلكم - 00:04:00

منورينا بفضل ومنة الله. شبابنا وبناتنا وابائنا وامهاتنا. الكل منور بفضل الله سبحانه وتعالى. آآ نوح نوح اعظم قصة صمود في التاريخ. نوح اطول قصة دعوة وتضحية في التاريخ. نوح - 00:04:20

اعظم قصة سبات عبر التاريخ. نوح اطول قصة حب في التاريخ. نوح اعظم قصة صمود في التاريخ يا جماعة يعني سيدنا نوح عليه الصلاة والسلام. معنا يا اخواني معنا ولا مع الله ؟ خليك مع الله بقى بص ما دام قلبك - 00:04:40
كده نوح اعظم قصة صمود في التاريخ يا اخواننا. بدأت قصة سيدنا نوح من قبل ما سيدنا نوح اتولد. ركزوا معنی. الايفينت ده عنوانه نوح. والكلمة بتاعتنا عنوانها توب تن. لأن احنا هنعرف الوقتي قصة نوح هنتعلم منها ايه. ما عادش غير عشر تيام في رمضان. هم اخطر عشر تيام في رمضان. هم - 00:05:00

عشر تيام تحدي. عشر تيام عايزيين ناخد فيهم عشرة على عشرة. بازن الله سبحانه وتعالى. عشر تيام ممكن يفرقوا في حياتك وفي حياتك ولكن الاول عايزيين المدخل للعشرة الاواخر بيقى قصة سيدنا نوح. واحنا في سفينة بنسبتها بسفينة نوح في سفن كتير او حوالينا. ممكن - 00:05:20

كله طريق تاني عشان يستمتع. احنا واحدین طريق ربنا. وطريق طاعة ربنا سبحانه وتعالى. اكبر قصة صمود في التاريخ. بدأت قصة نوح. من لحظة الوداع اللي سيدنا ادم القاها على باب الجنة بعد ما تعرض لضربة من ابليس بناء على الضربة دي خرج ادم من الجنة كانت نتيجة خسارة الجولة - 00:05:40

مع الشيطان الخروج من الجنة وادم بيلقى نزرة وداع على قصور الجنة وهو نازل الارض بيلقى نزرتة ده على الشجرة اللي كل منها هو بيقول انت اللي خرجنيني من الجنة ؟ انا خرجت من جنة عرضها السماوات والارض بسبيك انت. وهو بيودع سدرة المنتهى. وهو بيودع البيت المعمور، وهو - 00:06:00

الواد ده عمالك ملك وسماء. انزل يا ادم. انزل بعد ما عرفت مين حبيبك ومين عدوك. انزل يا ادم بعد ما عرفت ابليس خطر قد ايه. انزل يا ادم - 00:06:20

بعد ما اتحصنت في الجولة الثانية لأن اللي هيخرس الجولة الثانية مش هيخرج من الجنة ده هيدخل النار. الاف السنين يا ادم مش هتشوف الجنة تاني. ولا هتدخلها لحد ما تنتصر في الجولة الثانية على الشيطان. انزل بعد ما عرفت خطورة الشيطان قد ايه. اول مرة خدت الجنة من غير تمن. الوقتي هتاخد الجنة بس بعد ما - 00:06:30

ادفع تمن الجنة. تمن الجنة بيتدفع في الارض. انا وانت النهاردة جايدين عشان ندفع تمن الجنة. ينزل سيدنا ادم خمس سميت سنة. بيحاول بيحصن البشرية من ابليس. خمس سميت سنة بنى الكعبة. وبنى المسجد الاقصى. ينزل ادم ويموت ادم عليه السلام. الف سنة بعد ادم ابليس مش عارف - 00:06:50

يعمل حاجة في الارض. مش عارف يوصل للشباب. مش عارف يوصل للنساء. مش عارف يفسد الارض. الارض على التوحيد الكامل. لحد اول فكرة ابليسيه واول خطة ابليسيه الخطة كانت عبارة عن حفلة سنوية في جولف بورتو مارينا. الخطة كانت عبارة عن ابليس

نجل بنفسه - 00:07:10

تمسل في شكل راعي. صوته جميل اويء. وكان بيعمل لهم حفلة سنوية. الناس بدأوا ينزلوا ويتقابلوا مع بعض. الشباب يشوفوا البنات. الرجال شوفوا النساء بدأ الاختلاط بدأ الزنا. الارض بدأت تفسد. وببدأ الفساد ينتشر. كان فيه رجاله. رفض ان -

00:07:30

يفسدو مع الفاسدين. كان في راجل اسمه ود ورجل اسمه سواع. ورجل اسمه يغوث. ورجل اسمه يعوق. ورجل اسمه نصر. كانوا رجاله حياتهم على على دين ربنا. وعاشوا حياتهم على عبادة ربنا. ماتوا. الشيطان جه للناس. قال لهم الصالحين دول. خلاص ذكراهم هتموت. اعملوا لهم -

00:07:50

تماسيل عشان تفضلوا تفتقروا ذكراهم على طول. وتفتقروا ذكراهم على طول. عملوا لهم تماسيل عشان يفتقروا العبادة. جيل ورا جيل. عبدوا التماسيل كلها فسدت. ما عادش ولا واحد على التوحيد. ما عادش ولا واحد الا وهو مشرك وزاني على وجه الارض. وهنا -

00:08:10

يجي سيدنا نوح بعد ما رقص قلب ابليس من الفرحة اللهم يا رببني ادم اللي انت طردتني من ملكوت السماوات عشان ما رضيتش اسجد لهم. اهم يا رب اسفل سافلين. اهم يا رب كلهم بيتحدوا دينك. وبيتحطوا حدودك يا رب. وفجأة يزهر البطل سيدنا نوح عليه الصلاة والسلام. ينزل يجري -

00:08:30

بالكلام عن الله. في الشوارع في النوادي في الكافيهات. في السفن في كل مكان. في الجامعات في الساحات. ينزل يتكلم عن ربنا. اني لكم نذير مبين. ابليس هيتجنن. انا شقى عمري بيروح. انا طلعت روحني. عشان الارض كلها تفصل بالمنظور ده. كل كليب معمول انا -

00:08:50

تعبت فيه اكتر من اللي الفه. واللي غناه واللي لحنه واللي وزعه وفرق الرقص اللي حولته لكليب. كل فيلم من الافلام. كل قناة من القنوات الفاز ده انا تعبان لها. انا مخطط لها. كل ستايل لبس بنت. ماشية بتفتتن الشباب بمفاتنها. انا مخطط له قبل ما بيت الازياء يخطط له -

00:09:10

كل كافيه كل بنك روبي انا مخطط للدنيا دي كلها. انا مخطط لجنوح يضيع لي شقى عمري. سيدنا نوح رمز الصمود. جه والارض على الكفر الكامل ما ماتش غير والارض على التوحيد الكامل. جه والارض ما فيش فيها مؤمن واحد. مات والارض ما فيش فيها كافر واحد. نموذج جبار -

00:09:30

صمود جبار. يقرر ابليس ان هو يحارب. هيحارب بروحه وبحياته روح. ما هو انت فاكر ايه ؟ ما هو انت شقى عمره. شقى عمره. الوقت الداعية عن ربنا وابليس ماسك ودن الشاب يقول له رايح فين ؟ رايح فين ؟ ما انتاش عارف انها سكة خليقة وهيقولوا لك حرام في حرام رايح فين ؟ سايب المتع والدنيا -

00:09:50

الشهوات وraiح فين ؟ رايح فين ؟ وممین قال لك ان السكة دي هي الوحيد الصح؟ حتى لو انت عايز تمشي في سكة صح يبقى في سكك تانية هتتمتع زي ما انت عايز. وممكن برضو تبقى صاحب -

00:10:10

فيها رايح فين ؟ شقى عمره بيقاتل عليه. ابليس يوزع للناس كلها. وقالوا مجنون واذرجر. التوك شوق يشتغل على سيدنا نوح مجنون! برنامج المجنون! فيلم العيد المجنون عن سيدنا نوح! افلام! تمانية وعشرين قناة توك شو شغالة! مجنون -

ده اللي بيقول كده ربنا سبحانه وتعالي بيوصف ابليس عمل في الناس ايه. الطفل كان يقول لابوه طلعني على كتفك ويزعل سيدنا نوح بالحجارة. كانت الناس يتلموا عليه يفضلوا يضربوا فيه ويختنقوا لحد ما يحسبوه مات. يلفوه في حاجة ويرموه على الطريق. يستفيق سيدنا نوح عليه الصلاة والسلام -

00:10:40

ينزل يكلم الناس عن ربنا. مرة تانية يقذفوه بالحجارة لحد ما يدموه. يقول اللهم اغفر لقومه فانهم لا يعلمون. صمود سيدنا نوح اية من ايات الله في الصمود وكانت النتيجة يا شباب. وكانت النتيجة الرهيبة ان سيدنا نوح جه الارض وما فيش ولا -

00:11:00

واحد واحد عليها. وما فيش ولا انسان نضيف. مات وما فيش ولا كافر. وما فيش ولا حالة زنا. اوعى تيأس. بنتعلم من سيدنا نوح

الصمود بنتعلمي من سيدنا نوح انك تقدري زي ما رمضان اللي انت فيه الوقت بيعلمك انك تقدر. انك عملت حاجة لا يتخيلها احد.
عشرين يوم صائمين. عشرين - 00:11:20

يوم قايمين مين اللي كان يتخيل ان الطاقة دي تخرج من الشباب؟ سيدنا نوح بيعلمنا ان احنا نقدر قبل ما نموت بازن الله. الدنيا كلها
غير سيدنا نوح مدرسة اعظم نموذج اطول نموذج سبات في تاريخ البشرية. سبات وتصحية. تسعمية - 00:11:40
خمسين سنة قيام ليل. تسعمية وخمسين سنة سبات. تسعمية وخمسين سنة تصحية. تسعمية وخمسين سنة كلام عن الله. يا شباب يا
شباب لو انت مشيت الوقتي على الكورنيش فيه شباب فاطر. شباب مش قادر. هو في قلبه ايمان. ما هو اش معترض على دين الله.
بس يقول لك مش قادر. ده تلات - 00:12:00

يوم ده رمضان تلاتين يوم. عايزين تلاتين يوم صيام وتلاتين يوم قيام. ده تلاتين يوم يا اخوانا. سيدنا نوح صبر تسعمية وخمسين
سنة يعني اتناشر الف شهر احنا مش عارفين نصوم شهر واحد لله. وفي الاخر كان كل اللي اسلم معه كم واحد؟ تمانين واحد. يعني
كل اتناشر - 00:12:20

سنة واحد يعني تخيل هنعمل ايافت هنا على السفينة هييجي واحد بعد اتناشر سنة ايافتات وبعد اربعة وعشرين سنة بقوا اتنين
وبعد ستة تلاتين سنة بقوا ثلاثة مرة باتكلم مع الشباب في الجامع باقول لهم يا اخوانا ده فيه واحد صاحبي لقى اتنين شباب ماشيين
فضشك معهم وقال لهم ما تيجوا - 00:12:40

ونصلی وحط ايده على كتفنا وايده الثانية على كتف ده. دخلوا صلوا معه. شاب جاي جديد ولسه ملتزم جديد. سخن. نزل تاني يوم
في الجامعة كان من جامعة بنها نزل تاني يوم في الجامعة فراح يصللي الضهر لقى اتنين اصحابه ماشيين. حط ايد على الكتف ده
وايد على الكتف ده. انتم واخدبني فين؟ انتم واخدبني عشان اصلی؟ يلا نصللي - 00:13:00

قام بصر له قالوا له ايه يا اهل انت! ايه يا عم انت ما اتناشر فاهم ولا ايه! وقاموا سايبين وماشيين! ساب الالتزام بعدها! عشان كلمة
ما قدرش يستحمل كلمة - 00:13:20

سيدنا نوح تسعمية وخمسين سنة سبات. ما قدرش يستحمل كلمة. شباب كتير اوسي. اكبر سبب لعدم التزامه. بنات كتير جدا. اكتر
سبب عدم التزامها ليس نقص الايمان. وانما الخوف من انهم يسمعوا كلمة سخرية. كلمة تسعمية وخمسين سنة دعوة. تسعمية
وخمسين - 00:13:30

بس انا صبر واحتمال زي النبي عليه الصلاة والسلام يدعوا الى الله ليلا نهار في مكة. يطردوه بروح الطائف. يمشي ميت كيلو متر على
رجلية. على رجلية. كان عنده كم - 00:13:50

في الوقت ده عليه الصلاة والسلام خمسين سنة كان عنده خمسين سنة ولكن جولة واحدة النبي عليه الصلاة والسلام عملها جولة
واحدة مشي فيها ميت كيلو متر على رجلية وراح - 00:14:00

تمانية وعشرين قبيلة ولف على البيوت في الطائف عليه الصلاة والسلام. سيدنا نوح النماذج العزيمة النماذج الجباره في الوصول الى
الله سبحانه وتعالى سيدنا نوح مش فيه توبتين العشر تيام اللي احنا داخلين عليهم. سيدنا نوح التوب فايف اعلى خمس عزائم في
تاريخ البشرية - 00:14:12

اعلى نموذج في حب الله. مدرسة في حب الله. موقف يزلزل القلب. وسيدنا نوح واقف. هو من اولي العزم من الرسل وتسعمية
وخمسين سنة خدمة في دين ربنا. وايمان جبار. ولكن ده ضناه. ده ابنه. ابنه لحمه ودمه اللي واقف دلوقتي ومش راضي يركب معه
السفينة - 00:14:32

الابن واقف وبيقول له ما فيش حاجة اسمها طوفان ولا في حاجة اسمها الله ارسلك. والاب نبي مومن ان ابنه هيخلد في جهنم يغلق
عليه تابوت في قاع جهنم ويخلد. لو فضل في الموقف اللي هو فيه. والطوفان بدأ يشتهد. والماء بدأت تنهمر. والينابيع بدأت
تنفجر - 00:14:52

وهو بيناديه وهي تجري بهم في موج كالجبال. ونادي نوح ابنه وكان في معزل يابني اركب معنا ولا تكون مع الكافرين يا ابني اركب

معنا. انت الوقت بينك وبين الخلود في جهنم لحزات. انت بينك وبين انك تضيع فرصتك الوحيدة. واملك الوحيد في النجاة لحزات -

00:15:12

اركب معنا ولا تكون مع الكافرين. كان قدام ابن نوح انه لازم ياخذ قرار فوري. لأن الموضوع ما كانش خلاص فيه امهال. اركب معنا ولا تكون مع الكافرين ساوي الى جبل يعصمي من الماء. نفس الهم اللي كان في قلب نوح على ابنته. نفس النار اللي كانت متقدة في صدره. هو نفس الهم -

00:15:32

الدور اللي في قلوبنا واحنا شايفين الشباب الوقتي يا اخوانا بعضهم بيغطэр في نهار رمضان. واحنا شايفين محلات عصير ومطاعم في بعض اماكن من القاهرة. الناس ادي كأن احنا لسه رمضان لسه ما وصلناش. ودا مش اكثريه. ولا حتى اقلية. ولكن موجود. ما كانش موجود. نفس النار اللي في قلوبنا. واحنا بنمد ايدي -

00:15:52

للشباب ونقول اركب معنا. ما فيش نجاة غير هنا. كل اللي برة هيغرق. ولكن نفس النار كانت في قلب سيدنا نوح عليه الصلاة والسلام بيقول له ساوي الى جبل يعصمي من الماء. يا ابني ده مش المایة. ده ربنا. انت هتتف في وش مين؟ سقاوي. لو شرط ترامادول يعصمي من الاكتئاب -

00:16:12

شهاوي الى موقع آآ اباحي ولا مقاطع على اليوتيوب تعصمني من التوتر والضيق. سقاوي مين اللي قال لكم ان انا محتاج مين اللي قال لكم انها لازم اتدفين عشان ابقى سعيد؟ عندنا قنوات وكلبيات وشواطئ وفنادق ونوادي نسك ونوادي رقص. عندنا كل حاجة وهجيب كلبين حلوين كده -

00:16:32

يونسوني ويزلوني ها عمل كل حاجة. مين اللي قال لك ان انا لازم عشان ابقى سعيد لازم اركب معكم. قال لا عاصم اليوم من امر الله الا من وحال بينهما الموج فكان من المفرجين. منز رهيب. وسيدنا نوح بيبص قدام عينه. والموج بيبليع ابنته. والموجة -

00:16:52

طلعت ودنه وراها نزلت وابنه مش موجود. خلاص ابنه الوقتي زمانه بتسمه النار. سيدنا نوح قلبه قلب اب. مش قادر غصب عنه قلب وقلب اب بيقول ونادي نوح ربه قال رب ان ابني من اهله وان وعدك الحق يا رب ده -

00:17:12

لحم ودم يا رب. ده ابني يا رب. ده ضنايا يا رب. اصبر ازاي وضنايا هيخلد في جهنم. اصبر ازاي وضنايا هيبقى من اهل النار ابد الابدين. اصبر ازاي ان ابني من اهلي وان وعدك الحق. قال يا نوح انه ليس من اهلك. انه عمل غير صالح. انت المفروض يكون الحب اللي في قلبك لله -

00:17:32

اعلى من الحب اللي في قلبك لابنك. اعلى من الحب اللي في قلبك لاي حد. سيدنا حنظلة بن عامر بن ابي عامر. كان ابوه ابو عامر الفاسق. اللي كان بيحاول يقتل -

00:17:52

سيدنا النبي في غزوة احد وهو حنظلة غسيل الملائكة في غزوة احد. اللي يوم الدخلة يوم الصباختة نزل يجاهد مع النبي عليه الصلاة والسلام في غزوة احد. ده الابن غسيل -

00:18:02

الملائكة وده الاب ابو عامر الفاسق لعنده الله. في نفس المعركة عقبة ابن ابي وقاص كان بيحفر للنبي حفرة في غزوة احد عشان يقتله. وسعد ابن ابي وقاص اول واحد اخو عقبة ابن ابي وقاص كان واقف في ضهر النبي عليه الصلاة والسلام يحميه. الاثنين اخواته الاثنين في قلب المعركة. وده بيدافع عن -

00:18:12

النبي وده بيحاول يقتل النبي عليه الصلاة والسلام. مشاعر. مشاعر. سيدنا نوح مدرسة في حب الله. مدرسة عشان كده في الاخر قيل يا نوح اربط بسلام منا وبركات. تسمعية وخمسين سنة خدمة في العبودية لله. ولكن اللي قلبه استحب الكفر على اليمان. اللي قلبه جحد نعمة ربنا -

00:18:32

الانسان اللي بيكره اللي خلقه لازم لو ابنك لو مهما كان مشاعرك ناحيته خلاص حب الله اولى. سيدنا نوح عليه الصلاة والسلام مدرسة في الثقة بالله. مدرسة في السقة يا جماعة. سيدنا نوح صدى له اوامر كثيرة من الله سبحانه وتعالى. اوامر كثير من ربنا سبحانه وتعالى -

00:18:52

صدرت لسيدنا نوح. وسيدنا نوح نفذها كلها. ولكن فجأة يصدر امر لا يتخيله انسان. سيدنا نوح عايش في بيئه كلها صحراء وجبال

كلها فجأة يصدر امر يا نوح ابني سفينه. يا رب احنا لا في بلد - 00:19:12

على بحر ولا في بلد على نيل عشان السفينة تمشي فيها. ولا يا رب احنا في بلد زراعية عشان الاقي خشبة ابني به سفينه. ابني فينا نوح سيدنا نوح يمتسلي يزرع الشجر ويقعد سينين لحد ما الشجر يكبر ويبني السفينه وكلما مل من عليه ملأ من قومه - 00:19:30
سخروا منه. تخيل بقى تمانية وعشرين قناه قاعدين يسخروا من سيدنا نوح عليه الصلوة والسلام. وقاعدين يشوهوا صورته. واه السفينه اخبارها ايه يا نوح؟ ربنا قال ان السفينه دي هتبقى في يوم من الايام مصدر النجاوه الوحيد في الحياة. مصدر النجاوه الوحيد على وجه الارض. يا سلام - 00:19:50

ربنا اللي انت جاي من عنده قال لك ايه كمان يا نوح؟ وكلما صفت استمرار مر عليه ملأ من قومه سخروا منه، قال ان تسخروا منا انا نسخر منكم كما تسخرون. قمة الثقة في الله. وقمة اليقين في الله سبحانه وتعالى. سيدنا نوح تسعمية وخمسين سنة يا جماعة.
تسعمية وخمسين سنة. بس - 00:20:10

قد ايه شغال في الدعوه يعني؟ بقى لك قد ايه متزمه يعني؟ اكبر داعية في مصر بقى له كم سنة يعني؟ اكبر عالم في الكره الارضية طلب العلم كم سنة يعني؟ عملنا ايه - 00:20:30

احنا ما نجيشه اقزام جنب هزه النمازج يا اخواننا. ما تجيشه حتى اقزام تسعمية وخمسين سنة. ما فيش يوم فيها ما نزلش يستغل في الدعوه الى الله سيدنا نوح اعظم قصة رحمة ودعوه في البشرية كلها. ربى اني دعوت قومي ليلا ونهارا. تخيل لما - 00:20:40
فالله اللي في قلبك على هداية الناس. يخليك مضى عهد النوم. يخليك خلاص. وربنا جاب الليل قبل النهار. يعني الليل مكان النوم والروح مش انام يا رب. ما عدتش عارف انام من الهم اللي على الناس. عارف تتجافى جنوبهم عن المصالح. انك تجريبي ان الهم اللي في قلبك على الدعوه. على هداية البنات. على - 00:21:00

انقاذه البنات من عذاب الله. لو اعرضوا عن الله ان الهم اللي في قلبك هم الدعوه يوصل لدرجة انك ما انتاش عارف تنام. وبيقول رب اني اني دي التوكيد هو ربنا يعني انت متأكد لربنا ليه؟ ما ربنا يعلم. لأ ده صيغة هم. ده من المرار اللي في قلبه. وهو بيقول لربنا وقد اضلوا - 00:21:20

شووفوا للأسف نجحوا يا رب. للأسف نجحوا يا امة محمد. شوفوا عدد الشباب اللي بيسمع للهبة والكتنج وليلي جولف بورتو وعد الشباب اللي بيسمع دروس دينية دلوقتي. شوفوا عدد الشباب والبنات اللي قدام القنوات بتاعة الكلبيات وعدم الشباب اللي قدام القنوات - 00:21:40

شووفوا عملوا ايه. شوفوا غيروا الواقع ازاى. الممسلة اللي تابت ولبس الحجاب. راحوا يقولوا لها مين اللي قال لك ان ده حجاب اصلا؟ على فكرة ايه الباروكة ادي حجاب زي السيدة فاطمة بنت النبي عليه الصلوة والسلام بالزيط. لو انت لبستي باروكة ووقفتني تمسللي بها انت لابسة حجاب عائشة بنت ابي بكر الصديق زوجة النبي عليه الصلوة والسلام - 00:22:00

وتصدقهم وتلبس الباروكة على انها الحجاب. مش عايزين يسيبوا حد. وقد اضلوا كثيرا. ربى انهم عصونى ما رضوش يا رب. ما رضوش بييجوا يا رب ما رضوش يمشوا في طريقك يا رب. ما رضوش يسمعوا كلامي عنك يا رب. ربى اني دعوت عشان انا وانت وانت نقول دعوت يا جماعة - 00:22:20

دعوت لي يعني ايه؟ يعني انا مسلا سافرت مسلا الساحل الشمالي وبادعوك انك تيجي. بيقى ما دام دعوت بيقى لازم انا اكون موجود في المكان اللي بادعوك ليه؟ - 00:22:40

بيقى قبل ما نقول للناس حدوا ربنا لازم نحبه احنا الاول. قبل ما نقول للناس اشتاقوا للجنة لازم نشتاق لها احنا الاول. انت مشتاق للجنة! انت مشتاق للجنة يا اخواننا ربنا بيقول جنة عرضها السماوات والارض. العلماء رصدوا في السماء الدنيا ربعمية مليار مجرة. عدد البشر من ادم ليوم القيمة ما يجيبيش ربعمية مليون - 00:22:50

بني ادم. يعني لو كل البشر دخلوا الجنة مش بعث النار يا ادم تسعمية تسعه وتسعين في الالف. لو كل البشر دخلوا الجنة كل واحد هيبقى نصبيه قد ايه مجرة يعني ايه مجرة؟ مجرة التبانة الصغفنة النونو ديت اللي حاجة صغفنة وسط المجرات متين مليار نجم.

الشمس اللي قد الارض - 00:23:10

مليون وتلتميت الف مرة بنجم واحد. الكرة الارضية دي ايه بقى ؟ تخيل دا ممكن يبقى ملك في الجنة. مش جنة عرضها السماوات مش المفسرين قالوا ان اول ما بتدخل الجنة الملايكة بتاخذك الف سنة تفرجك على النعيم بتاعك. الف سنة ؟ اه. اه. بيقى اقل اهل - 00:23:30

جنة نعيمة لمين ؟ رجل يؤتى اعظم ملك من ملوك الدنيا يعني قد ملك الدنيا كلها. ومثل ومثل ومثل وعشرين امساله. خمسين مرة قد الكرة الارضية. لا يا رب ده كتير اوسي. انا مستحيل اصدق ان الاخير على الجنة هيأخذ خمسين كرة ارضية. ده انا بقول لك ممكن تاخذ مجرة - 00:23:50

ممكن تاخذ متين مليار نجم الكرة الارضية ديت ملايين المرات اصغر نجمة قدتها واكبر منها بـ ملايين المرات. يعني الجنة يا اخوانا متحركة ولا لأ ؟ ربى اني دعوت دعوت. لازم نحس بالمعاني دي الاول. لما الصحابة تمون الموت العالم كله اتكسر قدامهم ليه ؟ لأن هو - 00:24:10

اللي بيتكلم عنه. مصدق المشاعر اللي بيدعوا الناس اليها. كنت بكلم واحد من الشباب بقول له انت عارف امتى المغني الفلامي يتوب على ايديك ؟ لما يقينك في اللي انت عليه - 00:24:30

يبقى اعلى من يقينه في اللي هو عليه. هو من ورا الحفلات خد شهرة وخد معجبات وخد معجبين وخد ملايين وخد انت يقينك انك خدت اكتر منه هو اللي هيكسره قدامك. انك تبقى مصدق ان اللي ربنا اداه لك اكتر من اللي هو خده من الطريق بتاعه. ربى اني دعوت قومي ما سبتش - 00:24:40

واحدة يا رب ما سبتش ولا شاب ما سبتش ولا جامعة ولا معهد. ولا مدرسة سانوي ولا اعدادي. ما سبتش ولا نادي. ما سبتش ولا شلة ماشية في الشارع ولا واحد ماشي لوحده. ولا واحد ماشي مع واحدة. ما شلتش يا رب ! دعوت قومي كلهم ليلا ونهارا. فلم يزدهم دعائي الا - 00:25:00

فرارا. دعاء ده كلمة واحد قلبه ملهوف. قلبه مات. يا ابني انت بتجري ورا سراب. نهيت النار. يا عم انت اللي خانقني. يا عم انت عدو ودنيتي عشان كده لم يزدهم دعائي الا فرارا. الشباب بيهرج من الدعاء الى الله. وبيهرج من سماع الدعوة الى الله. كانه بيهرج من اسد هيفترسه. لانه مش فاهم - 00:25:20

بيتهيا له ان الدين جاي عشان يخنق متعنته. مش فاهم ان الدين هيزيود متعنته. وهيأخذ دنيا وآخرة. فلم يزدهم دعائي الا فرارا واني كلما دعوتهم كلما صرت استمرار دعوتهم لتفجر لهم. جعلوا اصابعهم في اذانهم. تخيلوا يا شباب كده انا داخل اعمل لكم جولة. انا داخل - 00:25:40

دلوقتي وانتم واقفين كده ومش قاعدين في درس ديني. تخيلوا بقى المكان كله معاصي. وانا داخل اقول لكم ربنا قام جاي يقول بيه هو وجيه يا عم اهو حاطط ايديه في ودانه ودي تقول يا عم خنقتنا بقى وتقوم مغطية عينيها مش عايزه حتى اشوفك - 00:26:00
هو ايه ده ! واصروا واستكباروا استكبارا. عارف لما تدخل على شاب بتكلمه عن ربنا يقوم مشغل الشاشة بتاعة العربية على افلام وحشة ! ويقوم مطلع سيجارة ملغمة عشان تشم ريحتها ده اتعلم بسرعة كده بازن الله سبحانه وتعالى. الشباب يتکحروا كده. ربنا بيارك فيكم ويحفزكم يا رب. ربنا يجوزكم يا شباب. ما تقول امين يا عم ده انتم - 00:26:20

صائمين يا عم وجعكم مستجاب يا عم. مش شايف البنات بتصرخ وبتقول امين اهو. بس في سرها. ربنا يجوزكم يا رجاله يا رب. فلم يزدهم دعائي الا فرارا. وربنا نجح كل اللي في سانوية عامة يا رب. وربنا ينجحكم جميعا يا رب. اللهم امين. زمان ثلاث تربعكم يا عيني طلبة مستنيين النتيجة. ولا ايه يا رجاله ؟ ربنا يجوزكم - 00:26:40

وينجعكم ويهدينا جميعا بهداه يا رب. اللهم امين احنا صائمين ودعائنا ان شاء الله مستجاب بازن الله بوعد من الله سبحانه وتعالى. واني كلما لتفجر لهم. جعلوا اصابعهم في اذانهم. استغشوا ثيابهم اصرروا. اصرروا الشاب احيانا لما يبقى عايز يطفش اللي جاي يكلمه عن ربنا يعمل كل - 00:27:00

كل المعاصي اللي هو يقدر عليها قدامه او واحد داخل يتكلم في مقهى يقوم ويشغلوا له افسد قناة. ويعملوا صوت الاغاني. ليه؟ يا عم امش بقى. يا عم امش وارحمنا. تخيل لو انا داخل عليكم وكل الناس عملت معي كده. هيجي لي نفسيا ان انا ادخل تاني. سيدنا نوح
00:27:20

كده تسعمية وخمسين سنة. هو ده الهم! هو ده الصدق -
هو ده الناس اللي عايزة ربنا. هي دي الناس اللي مصدقني في اخرة. هي دي الناس اللي مشاعرها ملتهبة. في قضية الدعوة الى الله.
لو انت قلبك مش ملتهب في قضية -
00:27:40

الدعوة الى الله. عايزة تبقى مع سيدنا نوح في الجنة ازاى ؟ وبايه ؟ واصروا واستكروا استكبارا. ثمانى دعوتهم جهارا. نزلت لهم الشوارع يا رب ثمانى اعلنت لهم. رحت يا رب زي الاخ اللي قطع تزكرة الدكتور ودخل بيقول له ما لك؟ قال له انا مش تعبان. انا جاي اكلمك عن ربنا. واسررت لهم -
00:27:50

اصرارا. قلت يمكن مستكبارين او مكسوفين فت عليهم في بيوتهم يا رب. فقلت استغفروا ربكم. قلت لهم هو انتم خايفين من ربنا ولا ايه؟ هو انتم مش عايزيزن تمشوا ورا طريق -
00:28:10

ربنا ايه خايفين ؟ خايفين منه ليه ؟ ده ربنا غفار. طب يمكن خايفين منه احسن الدنيا بتاعتكم تضيع. يرسل السماء عليكم مدرارا باموال عايزة ذريمة خد عايزة فلوس خد عايزة سعادة خد عايزة اموال خد عايزة ايه ربنا عارض عليك كل اللي انت بتعصيه عشان تاخده ما لك -
00:28:20

لا ترجون لله وقارا ما لكم؟ سيدنا نوح بيقول للناس ما لكم؟ ما لكم؟ ما لكم لا ترجون لله وقارا؟ نفسى نعلقها قدام كل نادى نفسى معلقة قدام كل جامعة. نفسى نعلقها قدام كل مكان بيعصى الله فيه. ما لكم لا ترجون. لله وقارا. سبحانه وتعالى. يفضل سيدنا نوح -
00:28:40

تسعمية وخمسين سنة يا جماعة. تسعمية وخمسين سنة على هذا الترتيب. تسعمية وخمسين سنة كل قضيته ان ربنا يرضى عنه. وانه ينال رضا الله سبحانه وتعالى الكلام ده كان ايام سيدنا نوح. للأسف يا شباب اللي بيحصل دلوقتي مش كده. للاسف انت لما بتنزل ما بتلاقيش الناس بتديك ضهرها. ولا اصرروا واستكروا -
00:29:00

ولا تلاقي حد بيستغشى سبابه. نزلنا الجولات الايام اللي فاتت دي نازلين على كافيه. منزr البنات اللي بتشد في الشيشة المنزr يخلع قلبك. المنزr والله العزيم يخلع قلبك. داخل على داخلين على شلة شباب. خلاص بقى شلة الشباب دول يعني ايه ؟ المفروض هيتفقلفوا -
00:29:20

اربعة منهم كانوا بيفطروا معنا امبارح. اربعة منهم. الله! يعني يعني ايه ؟ يعني مين اللي انت كلمته وكسفك؟ مين اللي انت كلمتها باسلوب فيه رحمة وحنان و كنت سامعة درس من دروس الوعظ قبلها بحيس انك تبقي ممتئلة بالمعانى وانت بتتكلميها وقلبك مشحون بالایمان وكسافتكم مين؟ مين؟ قهوة تانية -
00:29:40

يعني سبحان الله واحد اتصل بنا قال لنا يا جماعة القهوة سمعتها وحشة. سمعتها وحشة. نزلنا نتكلم مع صاحبها. صاحبها قرر يشيل البنات من القهوة ويشيل الشيشة من القهوة. ويخللي الترتيب هو ايه ده! هو الناس بتتغير الناس بتتغير. بس مين اللي بينزل ؟ كل البنات اللي برة -
00:30:00

ممکن يتغيروا بس انت كلمتيكم واحدة. انت من اول ما رمضان بدأ وانت ما بين التراويح والتهجد وختم القرآن. وبتفكر الوقت تعترك ولا هتقضي الليل بس في العشر الاواخر في المساجد. فكرت تاخد حد معك؟ فكرت تكلمي اختك. فكرت تكلمي بنت خالتك. ففكرت تكلم والدك ووالدتك. فكرت تكلم -
00:30:20

فكرت تكلمي جارتكم. مين فيينا افتكر الناس يا جماعة؟ داخلين على شلة اربعة بيشربوا مخدرات في عربية في مكان موبوء. اي حد يخاف يدخل فيه الاربعة بدأوا يبكون وتلاتة منهم التزموا. ايه ده! تلاتة يلتزم بيشربوا مخدرات! ايوة يا جماعة الدنيا سهلة والله العزيم. الناس هتلتقى -
00:30:40

على نفسها. الناس نفسها في حد ياخد بابديها. بيقول لك الالحاد انتشر. والبتابع انتشر. والمش عارف انتشر. ماشي يا سيدى. فيه

معاishi فيه معاishi. فيه مشاكل في مشاكل. ولكن الاغلبيه الكاسحة بتمد ايديها. عايزة حد يرحمها ويكلمها عن ربنا. عايزة حد ياخد
بایديها. عايزة حد في قلبه - 00:31:00

يتكلم عن الله. انت قبل ما تلتزم اتكلمت عن المغنى اللي بتتحبه ومليت الدنيا كلام عنه. واتكلمت عن الفريق اللي انت بتتشجعيه ولا
الفريق اللي انت بتتشجعيه ومليت الدنيا كلام عنه. وبعد ما التزمت ما بتتكلمش عن ربنا ليه ؟ ما بتتحبوش زي ما كنت بتتحب المغنى
زمان ولا كنت بتتحب لعيبة كورة زمان قبل ما - 00:31:20

التزم انت كنت اللي بتتحبه بتقلده في لبسه في الوانه في شعره. بعد ما التزمت بتقلد النبي عليه الصلاة والسلام قد ايه ؟ بتقلد
اصحاب النبي عليه الصلاة والسلام قد ايه - 00:31:40

يا اخوانا احنا فعلا عندنا المشاعر ديت ولا لا ؟ سيدنا يروح مدرسة في اليقين لما تحط قدامك ايتين. الاية الاولانية مما خطئتهم
اغرقوا والايota الثانية يرسل السماء عليكم مدرارا. سيدنا نوح بيقول لهم اللي هيخصي ربنا هيخرس دنيا واخرة. واللي هيطيع ربنا -
00:31:50

السما بكل الخير اللي فيها ما اتخلاش غير عشانه. هيتنزل الخير عليه. هيتنزل الخير وهيملى حياته. مصدق ؟ عندك يقين ؟ عندك
يقين عندك يقين اليقين ده اقسم برب العزة. والله لو اليقين ده في قلبك بس. ولا يوجد يقين غيره. لو اليقين ده في قلبك انت -
00:32:10

اقعدى على باب عبادة الله للنهار. لو اليقين ده مالي قلبك. يقين ايه ؟ يقين ان سبب الدنيا هو الطاعة. ان سبب الفتح هو الطاعة كل
يوم هو في شأن. كل يوم ربنا في فتح اللي هيركب سفينه نوح. كل يوم هينزل عليه فتح. انا يوم ما التزمت والله يا اخواني. لم اكن
اتخيل ان انا - 00:32:30

خد من ربنا اللي انا خدته في طريق الدين. ان انا هاخد من ربنا الصحبة اللي ربنا ادها لي في طريق الدين. والسعادة اللي ربنا ادها لي
في طريق الدين. كنت مرة في طب - 00:32:50

العين يدوهم ندوة وشاب بعت له كنت بتتكلم عن السعادة. شاب بعت لي. قال لي بالله عليك اللي انت بتقوله ده انت عايشه! بالله
عليك انت بجد سعيد؟ يا نهار ابيض يا اخوانا! يا نهار ابيض يا اخوانا! مش مصدقين ربنا! فيه ناس شاكتة في وعد ربنا للدرجة دي! لو
انت مصدق ان الطاعة سبب السعادة - 00:33:00

والله ما هتبطل طاعة. لو انت مصدقة ان الرزق ان الجواز ان الانجاح ان الشفاء ان الكرامة عند الله ان الدنيا والآخرة بسبب
الطاعة والله ما تبطل طاعة. اهل المعصية عندهم يقين في المعصية. عنده يقين وهو متذنب وهو بيتحرر - 00:33:20
وهو قدامه اربع تلاف واحد زيه بيتحروا كل يوم. وهو بينام اربع ساعات على السرير يتآلم من الاكتئاب اللي عنده. ومصدق ان
المتعة في المعصية. ومش عارف ان المتعة اخر السعادة. همتع عيني وهابص لواحدة حلوة. همتع ابني ودني وهاسمع اغنية ولا كليب!
انما همتع قلبي بايه! ما فييش غير طاعة الله. ما فييش غير كلام - 00:33:40

سبحانه وتعالى مصدقين لما كنت ببص لمنزr لعيb الملاكمه. لعيb ملاكمه بيموت. كسب الخصم بتاعه ونيمه في الارض. وواقف بقى
بيبص للناس كده ها منزره في عيني وهو بينهج كده. والناس واقفة تسقف له وتهيص له. وهو بيموت وما حدش عارف. وقادع بيبص
لهم وهو بيتحضر وما حدش عارف - 00:34:00

مفاجأة اتهبد على الارض. وفجأة نزل ميت في لحظة ياما ياما ناس في لحظة. يا الموت بيختطفها فجأة. ياما بيستنى عقوبة دنيوية
بقى ما استناش للآخرة. طب نعمل ايه ؟ طب نركب سفينه ازاي ؟ طب نركب سفينه الامان ازاي ؟ نركب سفينه نوح ازاي ؟ نتوب لربنا
توبة نصوح ازاي يا جماعة - 00:34:20

غير تغيير حقيقي ازاي ؟ ستيف جوبز لما جا له كانسر بنكرياس ساب ابل ابل. ابل اللي تساوي سطيف جوبز وستيم جوبز يساوي ابل.
لما جا له كانسر بنكرياس واحد لما خطبته وقعت في النيل وماتت رمى نفسه وراها. واحد لما خسر فلوسه في البورصة انتحر.
انتحر. واحد في قرية جنبنا في المنصورة - 00:34:40

آاً عمل عمل تخفيض خمسين في المية على التحاليل. انا اما اروح احلل بقى فيروسات الكبد بالمرة بقى واسترخاص. طلع عنده فيروس سي من الرعب والهلع مات. بعد فضل فراب لحد ما مات بعد ايام. ده كل دول حصل لهم كده ليه صدمة؟ صدمة من صدمات الدنيا. امال صدمات يوم القيمة هيبي شكلها ايه؟ امال اللي هيتصدم - 00:35:00

في الاخر هيبي شكله ايه؟ عايزين فعلا نتوب؟ عارفين الحل ايه؟ عايزين فعلا نركب سفينه النجاة. عارفين الحل ايه؟ التوب تن الحل العشرة الاولى اخر ايه! اي والله والله العزيم العشرة الاواخر دي فرصة مهولة فرصة عمر للتغيير. ياما ناس اتفيرت فيها. فرصة عمر للوصول لربنا. فرصة - 00:35:20

عمر للتعنق من النار. فرصة عمر للحسنات. عارفين ليلة القدر بس يا شباب؟ ليلة القدر بس. صفحة القرآن بميت ختمة القرآن الحزب بالف ختمة القرآن. الخامس اجزاء عشر تلاف ختمة القرآن. يعني صفحة القرآن بميت ختمة القرآن. اضرب في ستين - 00:35:42

الف حسنة. اضرب في ستين الف مكالمة صلة رحم بستين الف ومكالمة صلة رحم. الساعة هم تمن ساعات كلهم الليل بتمانين سنة عبادة. الساعة بعشرين سنتين عبادة لماذا؟ قرن ان الزمان يتحط في ميزانك في تمان ساعات. خير من الف شهر خير من الف شهر اعتكاف. وعبادة مستمرة يعني خير من الف رمضان - 00:36:02

يعني كل ليلة بميت رمضان نضيع الفرصة ازاي؟ نعمل ايه؟ نعمل ايه؟ نعمتني انتهى؟ نعمل ايه؟ روشتة عمل ايه؟ العشرة الاواخر نعمل فيه؟ واحد تحري ليلة القدر او عى تضيعها. او عى تضيع جبال الحسنات اللي ربنا مدتها لك. النبي عليه الصلاة والسلام بيقول من حرم خيرها فقد حرم الخير كله. كله. اتنين طلع الموبايل بتاعك - 00:36:22

اطلعي الموبايل بتاعك. عارف الموبايل بتاعك ده؟ الموبايل ده خلى طريق الجنة اسهل ما يكون وطريق النار اسهل ما يكون. ضربة زرار تدخلك الجنة وضربة زرار تدخلك النار. ضرب الزرار ادخل على جوجل بسيطة جدا. بتحب مين؟ بتحب الشيخ عمرو زكي اكتب عمرو زكي. ها عايز تسمع عن ايه؟ العادة السرية اكتب العادة السرية - 00:36:42

بس جو هتلaci قدامك اللي انت عايزه. بتحب مين تاني من آآ من الناس اللي بتدعوا الى الله؟ اي داعية حب من الشيخ محمود المصري. اكتب محمود المصري بتحبها تسمعي له ايه؟ الحجاب. اكتب الحجاب. جو. خلصت. ضرب الزرار. ضرب الزرار. او يوتاوب وضرب الزرار. هتلaci نفسك خلاص في سكة تانية - 00:37:02

بالزرار. موبايلك ده طريق للجنة دلوتي او طريق للنار هتسفله ازاي؟ الصحبة الصالحة يا اخوانا. ما تخرجوش من العشرة الاواخر من التوب تن من غير صحبة صالحة. اجيب الصحبة صالحة - 00:37:22

واحد داخل ساير لق واحد قاعد مهووس ايه يا ابني قال له انت مين؟ قال له انت بتعمل ايه؟ قال له باكلم ستاشر بنت في وقت واحد. ده انا عندي اربع - 00:37:32

عيان لو بقوا خمسة اتلخبط في اسماؤهم. ستاشر بنت في وقت واحد الصحبة الصالحة. اللي عايز يكلم بنات عارف هيروح يقف في شارع ايه. او قدام سنتر دروس ايه هيلاجي ازاي؟ وهيتكلم ازاي؟ اللي عايز يجيب جرعة مخدرات بيجبها. مهما كانت صعبة. مهما كان نوع المخدرات شاحب بيعرف يجيبيها. طب اللي عايز - 00:37:42

صالحة يجيبيها منين؟ المساجد مليانة اعتكافات و مليانة مصلين و مليانة عمار بيوت الله. ما تخرجيش من العشرة الاواخر من غير صحبة. ما تخرجش من العشرة الاواخر من غير صحبة صالحة. جمعية خيرية تلضم معها. موقع نت اسلامي تشتركي في فريقه. صحبة الطريق واضح. الطريق مرسوم يا اخواننا. التوبة النصوح - 00:38:02

اتوب ازاي؟ انا راجل ماشي بالعربيه حوت في طريق غلط. وعرفت ان فيه عصابة هتطلع علي هتقتنلي. اول خطوة تفرمل. اول خطوة لازم تفرمل. الشاب اللي يقع في الزنا. النبي عليه الصلاة والسلام بيقول اتاني اتيان فقال لي انطلق فمررت بنساء ورجال عراة في تدور. رجال ونساء عراف - 00:38:22

الفرن ده عزاب القبر ده ده تحت الارض. وكلما اتى الله الضوضاء يعملوا ضوضاء كل ما النار تقوم هب فيهم. فقلت ما ها من هؤلاء؟

فقالوا لي الزنا والزوانى. ده ده زنب من الزنوب. شباب كتير بقى بيقع في الزنب ده. انا باقعد مع شباب. والله العزيم بيكلمني عن الزنا.
والله كانه كسر اشارة مرور - 00:38:42

وهي غلط بس يعني ايه كان في تعبير الناس دلوقتى كده واحد عدى اشارة مرور كده وعدت معه. بس حاجة كده ما هوش قادر
يتخيل يعني ايه جريمة يهتز لها عرش الرحمن - 00:39:02

التوبة النصوح. الصحبة الصالحة. موباييك استغله. هيفرق معك اوبي في دينك. وفي تدينك. العشر الاولائل. تحري ليلة القدر ما انتيش
قادرة تعتكفي العشر الاواخر. ما انتاش قادر تعتكف العشرة الاواخر خلاص يا سيدى افطر في بيتك وانزل اقعد في الجامع لحد الفجر.
خلاص تبقى وسط الليل كله. تبقى قاعد في الليل كله - 00:39:12

وفي بيت ربنا انما اقل من كده يا جماعة احنا بنضيع فرص خطيرة. لو واحد دخل مسجد من قرن قعد معتكف فيه. وانت جيت فزت
ليلة واحدة انت هتحصله. صافي عمرك لو عشت سبعين سنة خمس سنتين عبادة. ليلة القدر بتلاتة وثمانين سنة. يعني قد صافي
عمرك في العبادة عشرين عمر. في ليلة واحدة - 00:39:32

تسق عشرين عمر قد عمرك. مين يضيع الفرصة دي؟ ومين يضيع ان تقطير صائم؟ بيقى بستين الف تقطير صائم. مين يضيع فرصة
كلهم عشر ليالي والتوبتين هيروحوا. عشر ايام تحدي. عايزين ناخد في العشر تيام دول عشرة على عشرة. عشر تيام ممكن يفرقوا
في العتق من النار ده - 00:39:52

اخر ليلة فيهم بس في العشر الاواخر يعتق فيها قد اللي اعتق في رمضان كله في اللي اعتق رقابهم من النار ربنا يبارك فيكم وربنا
يحفظكم.انا سعيد اذن باللقاء الاولاني لنا مع بعض. ان شاء الله لسة لنا تاني لقاء مع بعض امتنى؟ ان شاء الله. بعد الفطار ايه يا
شيخ؟ لما نفطر. واحنا بناكل كده ان شاء الله بازن - 00:40:12

لكن لو نبدأ نتعرف على بعض. وده بقى يدينا حنة فرخة وده يدينا حنة لحمة كده يعني. يعني لازم ايه يعني ما هو يقول لك اقرب
طريق الى قلب شيخك معدته. انا اخوك يعني مش شيخك - 00:40:32

حاجة بس ايه يعني لازم نلغى كده يا رجاله برضه ونعرف ايه الاخوات بقى ربنا يبارك فيهم يعني عايزين يكسبوا بقى قلوب الدعاء
الى الله كده ونعمل ايفنتات كتير. كل واحدة تتبرع بورك - 00:40:42

كده ولا اي حاجة ونقوم ايه ونقوم موزعين على اخوانا العاملين للدعوة في هزا المكان ربنا يحفزكم ولسه بعد كده ان شاء الله لقاء
مفتوح مع الاسئلة اجابات نفتح قلوبنا لبعض ربنا يبارك فيكم وربنا يحفزكم وربنا يتقبل صيامكم وقيامكم وربنا يبارك لنا في العشرة
الاواخر يا رب. و يجعلها خير ايام مرة - 00:40:52

في حياتنا سبحانه الله وبحمدك اشهد ان لا الله الا انت استغفرك واتوب اليك - 00:41:12